

Parlament communal Ilanz/Glion Communicaziun allas medias

Il 26 d'october 2022 ha il parlament communal Ilanz/Glion surdau unanimamein l'incumbensa Frei pertuccont catalog da mesiras per igl augment dall'attractivitat dalla vischnaunca Ilanz/Glion. La suprastanza communal vegn incumbensada d'elaborar in catalog da mesiras concret per ils proxims tschun onns per la commercialisaziun ed igl augment dall'attractivitat dalla vischnaunca da domicil Ilanz/Glion cun sias fracziuns. Oravontut duein la transformaziun da secund-indigens ad indigens, l'extensiuin d'internet spert e dil traffic public sco era il manteniment e l'extensiuin dil provediment da basa sco era dil temps liber, dil sport e dalla cultura vegnir affruntai. La suprastanza communal ha ussa sis meins temps da presentar al parlament communal ina proposta per ademplir quell'incumbensa vasta.

Plinavon ha il parlament tractau in credit supplementar per l'illuminaziun da LED els centers dils vitgs. A caschun dalla sesida dil parlament dils 28 d'avrel 2021 haveva il parlament communal approbau in credit ell'altezia da 970'000 francs per la midada dall'illuminaziun publica sin LED. Tenor il concept da LED, il qual era vegnius presentaus lezza gada, era sulet in tip da cazzolas previus per igl entir intschess communal cun excepziun dil marcau vegl da Glion. Ella realisaziun eis ei lura semussau ch'il tip da cazzolas tscharniu ei in tgerp jester els centers historics dils vitgs. Per render attents allas pretensiuns dallas zonas da protecziun dil maletg dil vitg, dueva vegnir duvrau en quels in different tip da cazzolas ch'ei intec pli cars. Il parlament communal ha denton refusau il credit supplementar necessari ell'altezia da 115'000 francs cun ina pintga maioritad.

La proxima sesida dil parlament ha liug mesjamna, ils 30 da november 2022 allas 18.00 a Glion.

Ilanz/Glion, ils 27 d'october 2022

Parlament communal Ilanz/Glion

Gemeindeparlament Ilanz/Glion Medienmitteilung

Am 26. Oktober 2022 hat das Gemeindeparlament Ilanz/Glion den Auftrag Frei betreffend Massnahmenkatalog zur Attraktivitätssteigerung der Gemeinde Ilanz/Glion einstimmig überwiesen. Der Gemeindevorstand wird beauftragt, einen konkreten Massnahmenkatalog für die nächsten fünf Jahre zur Vermarktung und Attraktivitätssteigerung der Wohngemeinde Ilanz/Glion mit seinen Fraktionen zu erarbeiten. Insbesondere sollen die Transformation der Zweitheimischen zu Einheimischen, der Ausbau von schnellem Internet und des öffentlichen Verkehrs sowie die Erhaltung und der Ausbau der Grundversorgung sowie der Freizeit, des Sports und der Kultur angegangen werden. Der Gemeindevorstand hat nun sechs Monate Zeit, dem Gemeindeparlament einen Vorschlag zur Erfüllung dieses weitläufigen Auftrags zu unterbreiten.

Weiter hat das Parlament über einen Zusatzkredit für die LED-Beleuchtung in den Dorfkernen befunden. An der Parlamentssitzung vom 28. April 2021 hatte das Gemeindeparlament einen Kredit in der Höhe von 970'000 Franken für die Umstellung der öffentlichen Beleuchtung auf LED genehmigt. Gemäss dem damals präsentierten LED-Konzept war für das gesamte Gemeindegebiet, abgesehen von der Altstadt Ilanz, ein einziger Lampentyp vorgesehen. Bei der Umsetzung in den ersten Fraktionen hatte sich gezeigt, dass der gewählte Lampentyp in den historischen Dorfkernen ein Fremdkörper ist. Um den Anforderungen der Ortsbildschutzzonen gerecht zu werden, sollte in diesen ein anderer, leicht teurer, Lampentyp verwendet werden. Das Gemeindeparlament hat den erfordernten Zusatzkredit in der Höhe von 115'000 Franken jedoch mit knapper Mehrheit abgelehnt.

Die nächste Gemeindeparlamentssitzung findet am Mittwoch, dem 30. November 2022, um 18.00 Uhr in Ilanz statt.

Ilanz/Glion, den 27. Oktober 2022

Gemeindeparlament Ilanz/Glion